



Ponemento di prome piedra pa e proximo proyecto di International School of Aruba



ORANJESTAD (AAN):--- E representante nan di sector comercial local, sostenedornan di Arte, International School of Aruba, a uni pa asina celebra e comienzo di un otro proyecto di ISA, poniendo asina e prome piedra. ISA a busca con pa sostene e sistema di nos enseñansa pa medio di entre cambionan di recursonan profesional y tambe pa sostene iniciativanan comercial local pa asina percura pa un school internacional di un alto nivel pa tur nacionalidad.

E proyecto aki ta concerni e parti di "World Language Arts" (na spaño y ingles), un sala di conferencia, Visual Arts (primary, Secondary y Ceramics) y Performing Arts (Dance and Drama).

ISA tin e compromiso pa yuda studiantenan den nan desaroyo riba e tereno di "Leadership, Character & Community". ISA ta mira e facilidadnan nobo aki,

tanto den combinacion cu e facilidadnan pa deporte como esnan di recursonan pa su programa pa desaroyo caminda cu por admiti nos studiantenan local y asina permiti ISA bira un centro di interaccion positivo den nos comunidad. ISA ta spera di por desaroya programanan pa deporte, arte y idioma, como tambe network profesional cu enfasis riba e issue nan educacional y local, den un facilidad cu ta habri durante oranan di anochi y weekend. Esaki lo ta un "ISA" pa tur hende.

E "Master Facilities Plan" riba un largo plazo ta inclui un programa di Montessori pa muchanan di dos aña, un ala pa e Boarding School, un edificio nobo pa e libreria y media, un centro pa "Performing Arts" y un "High School".

Apesar cu e lo tuma hopi aña pa prome cu e campus ta

completamente desaroya, ISA tin vision nan pa un school di primera clase cu ta sostene tres poblacion na Aruba. Prome, ISA por sostene comunidad comercial internacional cu un school di calidad cu ta acredita tanto na Merca como na Hulanda. Na di dos lugar, ISA ta comprometi pa duna opcionnan global pa College y Universidad door di presenta oportunidadnan academico riguroso y oportunidad extra-curricular cu ta duna e studiantenan e oportunidad pa sigui nan estudio na Harvard, MIT, Universiteit van Amsterdam, Technische Universiteit Delft y Universiteit van Leiden. Na di tres lugar, duna tur esnan cu ta biba na Aruba e posibilidad y acceso na su programanan di Arts, Athletics y Literacy. Pa mas informacion encuanto ISA por bishita nan website of yama nan oficina.